

Protestation

FAICTE DE LA PART

DV ROY TRESCHRESTIEN,

par son Ambassadeur, re-

sident pres la royne

d'Angleterre, a sa

Maiesté, & aux

Seigneurs de

son Con-

seil:


xx. April.

ANNO DOMINI.

M. D. LX.

*A protestation made on the behalf of
the French King by his Ambassador
being a lawyer in the Court
of the Queen in the year
of our Lord 1560.*

A. p. { 254.
205.





On a assez clairement
veu, puis le decez du
feu Roy Treschrestien
(que Dieu absolue) que
le Roy son filz ne luy a seulemēt vou
lu succeder en l'heritage de son Roy-
aume: mais aussy au mesme zelle &
affection du repoz & soulagement
de la chrestienté, qui l'auoient meu
a estaindre les guerres quil auoit
avec les autres Roys ses voisins, &
establir entre eux vne bōne & fer-
me paix & amytié, n'ayant lediēt si-
eur rien laissē en arriere, de ce qui a
esté propre & necessaire a l'entre-
tenement & conseruation d'icelle,
& mesmes a l'endroict de la Royne
D'angleterre sa bonne seur & cousti-
ne, enuers laquelle il a vse de tou-
tes les demonstrations qui pouuoient

A.ii.

ent

ent proceder de luy, tant a satisfaire
a l'obligatiō des hostages, qu'il doit
tenir en ce Royaume pour le faict de
Calaix, Que a maintenir aux sub-
iectz de cediēt Royaume, le trafique
& cōmerce seur & libre en France,
sans qu'a aucun d'iceux y ait iamais
estē faict aucun tort n'iniure irrepā-
ree. Ce neantmoins, s'estans les Es-
cossois en ce temps de tranquillitē re-
bellez, & distraictz de l'obeissance
dudiēt Sieur Roy, & de la Royne
sa femme leur souueraine Dame,
Pour la reduction desquelz il a estē
contrainct y enuoyer quelques for-
ces, Ladiēt Dame Royne d'Angle-
terre a dressē vne forte & puissante
armée par mer, & vne autre par ter-
re, & les a des longs temps enuoyez
du coste d'Escoffe, fondant l'occasion
de

de telz preparatifz, sur la ialouzie
que luy donnoient lesdictes forces
que ledict Sieur y auoit ia, & celles
qu'il pretendoit y faire encores pas-
ser: au moyē desquelles, elle craignoit
vne inuasion en ce royaume, comme
elle disoit en estre menacee, prenant
pour couleur de ce, que la Royne de
France Royne d'Escosse, portoit le
tiltre & armoyries de ce dict Roy-
aume, dequoy ayant este aduertiy le-
dict Sieur Roy, il luy a incontinent
faict entendre par ses Ambassa-
deurs la sincerité de son intention,
& combien elle estoit eslongnee de
vouloir contreuenir au traicté, &
de rien attenter au preiudice de la-
dicte Dame & de son royaume, dont
pour luy donner encores plus certain
tesmoignage, afaict retarder les pre-

A.iiij.

paratifz

paratifz de quelques autres forces
qu'il vouloit encores enuoyer audict
pais d'Escosse, & cherche la redu-
ction desdictz rebelles par doulceurs
& amyables recongnissance de
leurs faultes, lesquelles il se cōtentoit
oublier, & leur pardonner, moyen-
nant qu'ilz luy prestassent l'obeis-
sance deuë, ainsi qu'il leur en a faict
faire ouerture & offre, iusques a
prier ladicte Dame de le vouloir
moyëner enuers eulx : affin que cela
faict, il eust moyen de luy oster tout
soupçon & ialousie de sesdictes for-
ces, luy ayant faict offrir d'en oster
apres la plus grande partie, & y en
laisser seulement ce qu'il iugeoit ne-
cessaire pour l'assurance de ses
droictz, & obeissance, qui seroit en si
petit nombre, qu'il ne luy demoure-
roit

roit aucune raisonnable occasion de
doubter plus de rien, pour ce regard.
Et quāt au surplus, que ledict Sieur
deputeroit gens de son costé, si elle
en vouloit faire autant du sien, pour
desmesler les autres differens qui se
pourroient trouuer entre leurs Ma-
iestez, & en traicter amiablement,
ainsi qu'il est porté par les Capitula-
tions de ladicte paix, a quoy ladicte
Dame n'a voulu prendre autre ex-
pedient, que de prescripre audit
Sieur Roy, la decision qu'elle vouloit
de tous lesdicts differens par elle pro-
posez. Et entre autres choses, la to-
talle reuocatiō de sesdictes forces du
pays d'Escoſse, avec terme pour ce
prefix, sās en voloir entrer en autre
tracté ny dispute, Chose qui ne peut
estre trouée que grandement estran-
ge;

ge, veu que entre Roys & Princes
en temps de bonne paix, les traictez
sont mediateurs de la pacificacion de
leurs differens, sans qu'il soit loisible
a l'un ny a l'autre de se donner loy,
n'y imposer conditions, ne se pouuāt
telle facon adresser, que a leurs sub
iectz & vassaulx seulement. Et qui
pis est, ce pendāt, elle n'a laissē d'en
uoyer audict pais d'Escoffe des long
temps, son armēe de mer, laquelle y
a vsē de plusieurs depredations sur
les subiectz dudit Sieur Roy, tant
a son arriuēe de quelques Nauires
de guerres, qui estoient au frith pour
la garde d'iceluy, que depuis de plu
sieurs autres charges de viures, &
autres choses dudit sieur, & de plu
sieurs de sesdictz subiectz. Et a faict
ouuertement la guerre a ses Mini
stres

stres & Soldatz audict pays, ius-
ques a s'efforcer de faire descente a
l'isle des Cheuaulx, pour la surpren-
dre, faire prisonniers plusieurs des-
dictz souldatz, & vser de tous au-
tres actes d'hostilité. Qui n'a toutes
fois de tant sceu esmouuoir ledict
Sieur, qu'il ayt voulu croire que la-
dicte Dame eust aucunement volon-
té de y entrer plus auant, d'aaultant
qu'elle n'en pouuoit fonder autre oc-
casion sur droict, qu'elle peust pre-
tendre audict Royaume d'Escoffe,
ny moins sur les forces dudit Sieur,
desquelles il luy auoit tousiours ve-
ritablement faict entendre le nom-
bre, ou sur les points de ses doleances
attendu qu'elle n'a que quereller n'y
congnoistre en iceluy Royaume. Et q
pour le surplus il estimoit luy auoir
assez

assez amplemēt satisfaiēt par la de-
claracion de sa bonne volunté a la cō-
seruacion de ladicte paix, & par les
offres qui luy auoit fait faire de ve-
nir a traicté amiable avecques elle:
dont pour luy donner encores plus
d'assurance, apres le luy auoir plu-
sieurs fois fait reiterer par son am-
bassadeur resident aupres d'elle, &
fait entendre le mesme au sien, qui
est aupres de luy, ledict Sieur a choi-
sy monsieur de valence, conseillier en
son priuē conseil, personnage tresdi-
gne & d'auctorité aupres de sa Ma-
iesté, & la enuoyē deuers ladicte da-
me pour luy confirmer encore sa bon-
ne intention, du tout tournee au re-
pos de la chrestiente, & a la cōtinua-
tion que la bonne amytiē qui est entre
leurs maiestez, avecques charge d'en-
tendre

tendre d'elle, si apres cela il luy en
demoureroit encores quelque scrup-
pule, pour en aduertir ledict Sieur,
& puis passer en Escosse, pour eſſai-
er de retirer & remectre lesdicts re-
belles a l'obeissance d'iceluy Sieur,
& de la royne sa fême leur souuerai-
ne Princesse, par la clemence de
leurs Maiestez, qu'il leur est offer-
te: ensemble d'oublier en ce faisant
toutes leurs fautes passées, affin d'en
faire apres retirer la plus grande
partie de ses forces, pour oster a ladi-
cte Dame, Royne d'Angleterre, l'oc-
casion de ne plus doubter d'icelles:
n'ayant d'aulture part laisse pour
mieulx faire congnoistre l'extreme
regret qu'il auoit d'estre conduict a
quelque alteration de la paix, d'em-
ployer encores enuers ladicte Da-
me

me, le moyen du Roy Catholique son
bon frere, lequel comme Prince qui
a assez congneu les ruynes que la
guerre porte avec soy, pour desirer
l'entretènement de ladicte paix, y a
enuoyé Monsieur de Glaiō cheualier
de son ordre & grād maistre de son
artillerie. Toutesfois tant de si bons
offices & deuoirs enquoy ledit sieur
c'est mis, qui peuuent aisement faire
cognoistre a toute la Chrestienté, la
sincerité de son intention, Et com-
bien il luy desplairoit d'y veoir per-
turbation, n'ont peu retenir ladicte
Dame, qu'elle n'ayt encores faict
marcher audict pais d'Escosse, sō ar-
mée de terre. Pour avec celle de mer
en chasser & tirer par force les mi-
nistres & soldatz dudit sieur, ainsi
qu'elle a assez declairé vouloir faire
par

par vne proclamation de sa volunté
qu'elle a faict Imprimer, en quoy n'y
a aucune apparence de raison, estant
bien aisé a iuger, ce que ce seroit le
vray moyen de priuer ledict Sieur
Roy, & la Royne sa femme dudit
Royaume, qui seroit chose tres iniu-
ste, & au reste de tresmauuais exem-
ple a tous Princes chrestiens, que
gens qui se sont rebellez, de leurs
souuerains, soient ainsi fauorisez, en
leur rebellion. Dont ledict Sieur a
bien voulu faire remonstrance par
son Ambassadeur a ladicte Dame,
luy en ayant donne charge expresse:
& de luy renouueller encores de re-
chef l'assurance de son desir, a la cō-
seruaciō & entretenemēt de la paix,
l'offre du traicte amyable ainsi qui
luy a este faict cy deuant. Ce que le-
dict

dict Ambassadeur a fait le quinzi-
esme de ce mois, tant a l'endroit de
ladicte Dame, que des Sieurs de son
conseil: present le Seigneur de saint
Florens dadiaceto qui luy presenta
ledict iour avecques lettres d'iceluy
Sieur Roy, portans creance sur luy
pour choses qui concernoient le mesme
fait & office: l'ayant iceluy Ambas-
sadeur entre autres choses, prie se
de porter de la voye des armes, & re-
tirer lesdictes armées pour commet-
tre leurs differens a personnages qui
seroient esleuz d'une part & d'au-
tre, pour les desmesler: & pource
qu'elle & eux luy dict la dessus, que
lors ladicte armée estoit depuis douze
iours pres le petit liét, & pr este a
executer l'entreprinse pour laquelle
elle l'a fait entrer audict pais, qui
est

est d'en chasser les François suiuant
menaces precedentes, & n'entendoit
ladicte Dame qu'elle perdist temps
pour l'interest qu'elle en pourroit re-
cevoir. Par ou elle contreuient dire-
ctement au traicte de paix.

Le sieur Seure cōseillier dudit sieur
Roy & son Ambassadeur aupres d'i-
celle Dame, aiant charge de prete-
ster en ce cas l'infraction des trai-
tez, a bien voulu prier messieurs de
Glaion sus nommé, & Euesque de
laquila Ambassadeur dudit sieur
Roy catholique se trouuer pres ladi-
cte dame. Pour le faire en leur pre-
sence & rememorer tous les deb-
voirs enquoy iceluy Sieur, s'est mis,
pour satisfaire a ladicte Dame, en ce
que la raison vouloit: & euitier par
ce moyen toutes altercatiōs de la bō-
ne

ne paix & amitiè qui est entre leurs
magestez. Affin qu'ilz peussent tes-
moigner qu'il n'a tenu audict Sieur,
q les choses ne se soyent amiablement
pacifiées. Ce qu'ayans refuse pour
n'auoir telle cōmission du Roy leurs
maistres, iceluy Sieur de Seure la
commis au tesmoignage de l'escritu-
re, y ayant faict rediger le tout en
ceste forme, & apres l'auoir outre ce
repete de bouche a ladicte Dame, a
l'assistance desdicts sieurs de son con-
seil, & obtenu licence de sa magesté
d'executer ce qui luy a esté en cela
commandé: il leur a protesté de la
part du dict Sieur Roy son maistre,
comme il proteste encores par la pre-
sente, avec tout humble reuerence, de
l'infraction desdictz traictez, &
que tous les preparatifz qu'ilz a
faictz

faictz & faict, pour enuoyer audict
pays d'Escoffe, ne sont que pour y re-
mettre l'obeissance qui y est due a
luy, & à la Royne sa femme. Ayant
pour ce seul respect voulu oublier tou-
te l'offence que luy ont faict les sub-
iects & leur pardonner le passe, offert
comme il offre encores, suyuant les-
dicts traictez, de commectre gens
pour vuyder amiablement ce, qui se-
roit a desmeler entre leurs maiestez,
& venir a toutes les voyes & moyes
qui peuuent tenir entre amys, &
l'asseurer par la reuocation de ses
forces, apres ladicte obeissance ren-
due, de ce quelle dict craindre estre
par ledict Sieur, entrepris sur son
royaume. Par ou elle est d'interest.
Ce que sil ne plaist a ladicte Dame
accepter, & se deporter de son entre-
prise,

B.j.

prise,

prise, ledict Sieur mettra peine de se
deffendre & conseruer le sien, pro-
testant que si pour c'est effect, il
est conduict & contrainct d'en-
trer en la guerre par la continuation
du commencement que ladicte dame
y a desia donné. Ce sera a son tres-
grand regret & desplaisir, ainsi tout
le monde pourra iuger, & pour la-
dicte occasion de se defendre seule-
ment, & non a autre fin n'y intentiõ:
de laquelle protestation & de tout
ce qui est cy dessus contenu, ledict si-
eur de Seure Ambassadeur susdict, a
laisse le double a icelle Dame en son-
dict Conseil, le .xx. du mois d' Avril
l'an 1560. Apres pasques.

(::)

RESPON=
ce a la protesta
tion, faicte par L'ambassadeur
du roy Treschrestien de
la part dudit roy
*so Maistré, à la Royne d'angleterre,
le vingtiesme iour d'april.*

Anno. 1. 5. 60.



Preface.



Ourautant que vne protesta-
statiō baillee p Lambassa-
deur de France en Engle-
terre, à la maieste de la
Royne, à este imprimée en
France, & sur ce publiée,
à ceste intention (comme
il peult aisemēt apparoiſtre) de gagner à leurs
aētes, meilleure estime quilz ne meritent. Bien
que ceste maniere de faire ne soit si bien seante
ne propre aux grans affaires des princes: Neant-
moins, affin que plusieurs encores addonnēz in-
differēment & à lune & à lautre part, ne soient
par ce induictz de adiouter foy à ladiēte pro-
testation, auant auoir entendu la iuste & veri-
table responce qui y à este faicte. Et pour estre
ladiēte protestatiō ia quelque temps, esparse &
semée par my le monde, & ce non sans y auoir
este faict changement, en quelque lieux du sens
de Loriginal signē par ledict ambassadeur:
Icy est imprimée fidelement sans aucune altera-
tion, la responce faicte par sadiēte maieste à la
diēte protestation. En laquelle sa maieste
fut, grandement contre sa volunte, contraincte
par ladiēte protestation Françoisise d'estre plus
prolixie quelle ne vouloit. Et pour euitier enco-
res vne plus grande longueur s'est deportee d'alle-

Preface.

guer plusieurs aultres deſcourtoises innouations
& diſſimulations des François, par leſquelles
ne s'eſt monſtrée ny encores ſe monſtre en eulx,
telle inclination de venir à quelque bon accord,
comme de leur part on y pretend. Et quelle vo-
lunte y à en eulx d'en faire reparation, on le
verra par ce traiçte qui eſt preſentement accor-
de d'eſtre tenu en Eſcoſſe, ou ſadiçte Maieſte eſt
deliberée de monſtrer la ſyncere & prompte vo-
lunte quelle à d'accepter tout accord qui peult
porter auecques ſoy reparation honorable
des iniures faiçtes a ſa Maieſte, auecques
aſſurance apparente, de pouuoir iouyr
de ſon Royaulme, & le gou-
uerner ſans dangier
d'inuaſion.

A, ij,

Com;





Ombien que la Ma
iesté de la Royne
sur la protestation
faicte p ledict Am
bassadeur, luy ait
respōdu ce que bon luy sembla pour
l'heure, differāt neantmoins la res-
ponce plus resoluë a vng aultre tēps.
Toutesfoys pource qu'il bailla sadi-
cte protestatiō par escript signee de
sa main, y semblant auoir employé
quelque temps & peine pour la re-
diger en forme agreable a son inten-
tion. Et pource aussi, qu'elle est fon-
dee sur plusieurs allegatiōs qui sont
differētes & nō du tout conformes
a la verité : Sadicte Maiesté tant
pour meilleure information dudit
Ambassadeur sur telz poinctz, es-
quelz

Protestation

quelz il pourroit pretendre de s'excuser par ignorāce, cōme aussi pour soustēnir le droict, l'honneur, & la necessitē de la maniere de faire dōt sa Maïeste a vsé aux mesmes choses q sont mētionnées en ladicte protestation, a trouuē bon, que responce soit faicte aux principaulx poinctz & articles contenus en icelle.

Premierement, Quelles occasiōs ayēt induict le feu Roytreschrestien à faire la derniere paix avecq les aultres princes, ses voisins, n'est icy besoing de disputer. Mais quelle bōne & sincere intentiō lon auoit lors vers la Royne & la Couronne D'angleterre, appert en beaucoup de fortes, aussi bien par les practiques & menées dont on a vsé a Rome vers

Responce a la

le pape dernier Paulo quarto, pour
resprouuer le bõ droict de la Royne
a la Couronne, & pour approuuer
le droict pretendu de la Royne des-
cosse, cõme aussi par la querelle es-
meuë par les Ambassadeurs dudit
Roy, au traicté de paix a Chasteau
en Cambresy, ou (entre aultres cho-
ses) ilz descouurirēt leurs intentiõs
en demandāt, a qui la ville de Callais
deburoit estre reduë, sinõ a la Royne
Descosse cõme Royne Dangleterre.
De telles sortes de parolles & aul-
tres actes & practiques alors par
eulx vseës, au preiudice notoire du
droict de sa Maïeste, & pour auan-
cer la querelle de la Royne Descosse
il ya aultres bõs tesmoings qui les en
pourront veritablement charger,
oultre

Protestation.

oultre les ministres Dangleterre.
Et ce suffise pour responce du grand
zele que ledict Ambassadeur en sa
protestatiõ, dict auoir esté de la part
du Roy de France, au temps dudict
traicte a faire la paix avecq la Roy-
ne Dangleterre. Mais pource que
cecy se pourroit excuser en telle sor-
te cõme aucun deulx ont en cas pa-
reil allegue, que cela na este faict p
eulx que par practique pour plustost
faire venir la Maieste de la Royne a
a vne paix, on eust peu laisser passer
cela, si apres la paix concludë, ne fus-
sent incontinct suiui z argumetz &
demonstrations notables de cest af-
faire, aussi biẽ du viuãt du feu Roy:
cõme aussi incontinct apres sa mort:
augmente'es de iour en iour en telle

A iij sorte

Responce a la

Sorte, que pour les verifier, ne fault
aultre tesmoignages que le rapport
de toutes gens qui frequentent la
Court de France, ou qui en font des
discours en aultres lieux. Entre le
temps du traicte acheuë, & la mort
du Roy, qui fust enuiron l'espace de
trois mois, en combien de lieux les
Armoyries D'angleterre ayent este
portees, mises, & pēdues, escartelees
auecq celles Descosse lors estant
Daulphine, la ville de Paris, & be-
aucoup d'aultres endroictz de Fran-
ce peuuent bien tesmoingner, voire
tous ceulx qui vindrent veoir la so-
lennité des triumphes a Paris lors q
le feu Roy fust blecé, peurent bien
veoir ceste grāde & notable iniure,
faicte a la Royne D'angleterre, tant
par

Protestation.

par ce q̄ lesdictes Armoiries furent
pēdues sur l'eschaffault, ou estoient
assis les iuges; qu'aussy par les cottes
d'armes nouuellemēt faictes & por-
tées publicquemēt, aux ioustes par les
herauld̄z du Daulphin, qui prece-
doient sa bande. Dont les Ministres
de la Royne Dangleterre se trouue-
rent offencés, & son Ambassadeur
qui ne faisoit q̄ entrer en sa charge,
trouuant cest affaire estre grande-
ment preiudiciable a sa Maieste, &
a la paix nouuellement conclunē, se
plaignist, & eut responce des prin-
cipaulx ministres, qu'on y remedie-
roit, & quil ne sen donnast plus de
peine. Dauantage le Roy Daulphin
& la Royne Descosse oultre le re-
doublement de ceste iniure, pour a-

Responce a la

uoir faict mettre plus grād nombre
descussions avecq ces Armoiries, &
iceulx faict distribuer en plus de
lieux publiques, vindrent aussi a se
attribuer, le tiltre Dangleterre &
Dirlande dōt en escriptz publiques
a este vse, tant en Escosse & en daul-
tres endroictz. Et pour a clarification
de ceste chose par exemple, on en a
vse en escripuant en ceste sorte:

*Franciscus & Maria dei gratia Rex & Regina
Francia, Scotia, Anglia, & Hibernia, &c.*

Et en la fin de lescript est adiousté,

*Datum Parisijs, Anno Domini Millesimo &c.
Regni nostri Scotia Primo & decimo septimo,
Anglia verò & Hibernia Primo.*

Et nest chose incognue commēt ayt
este confirme le traicte dernieremēt
faict, avecq le tiltre Dangleterre.
Mais possible q̄ monsieur Lambassa-
deur

Protestation.

deur desirera que tout-cecy soit mis
en oubly, cōme estant faict cependāt
que le feu Roy viuoit. Et pourtant
requerra qu'on aye esgard a ce qui
sest faict depuis laduenemēt du Roy
a present a la couronne. Il est bien
vray que si on se fust deportē depuis
de ces manieres de faire, la chose
eust peu passer en silence, & toutes
ces iniures aussi eussēt biē peu estre
ensevelies au sepulchre quant & le
feu Roy sondict pere. Mais la suite
des choses ne vouloit point permet-
tre que la querelle coulourē de la
Royne D'escosse cessast ainsi, apres
que son mary fust venu a la Couron-
ne, & elle portāt tiltre de la Royne
de France, & par ainsy ayant mille
moyēs a poursuire l'intentiō estāt
ses

Responce a la

ses oncles aussy les principaulx & quasi seulz au gouuernemēt des affaires del'estat du Royaume de France. Apres la mort du Roy, on enuoya signifier en Escosse, que maintenant leur Royne estoit Royne des Royaumes de France, d'Escosse, & d'Angleterre, maintenāt estoit venu le tēps de publier toute leur intention. Toutes choses dans le logis de la Royne, chappelles, chambres, garderobbes & daultres semblables, ou au parauant auoient est'e mises les Armoiries d'Escosse, furēt change'es, & les Armoiries d'Angleterre adioust'ees. On fist grauer des nouueaux seaulx Commissions furēt faictes, escriptz diuulguéz, mesmes es affaires vulgaires, grand nombre de priuileges donnés

Protestation.

donnés au commun peuple n'estantz
qu'artisans. En ceste sorte se change
rēt les choses apres la mort du Roy,
dont tout le monde apperçeut bien
leur intētion vers le Royaulme d'An
gleterre. Et en ce que la dicte pro
testation est dict, que le Roy a vsé de
toutes demonstrations, tant a satis
faire a l'obligatiō des hostages pour
le faict de Callais, qua maintenir la
traffique cōmune en France, il sem
ble vng peu estrange, qu'un Ambassa
deur vueille affermer telle chose, co
gnoissant tresbien luy mesmes, que
depuis le secōd d'apuril l'ānee passée,
iusques au present quinziesme de
apuril, on na iamais sceu obtenir le
quatriesme hostage, qui par motz
expres du traicte debnoit auoir este
donne

Responce a la

donne: en sorte, que depuis le mois de May, iusqu' au mois d' Apuril ensuyuant, la Royne n' a peu auoir q' trois hostages: Encores que poursuite en ayt este faicte au Roy & a ses ministres, & a son Ambassadeur par de ça, & qu' on s' en soit plainct, cōme de chose qui touchoit l' honneur de la Maïeste de la Royne, qu' une telle paction du traicte, fust si manifestement enfrainte: par ou lon peult veoir, combien de temps il ya que le dict traicte a este rompu par le Roy de France, sans qu' en soit faicte reparation. Ce nonobstant, & que la violation du traicte soit si clere, on ose bien dire, que le Roy a vse de toutes demonstrations qu' il a peu, a satisfaire a l' obligation des hostages.

Tout

Protestation.

Tout aultant y a d'apparence en ce
qui a este dict, que la Traffique ayt
este obseruée & maintenue: ou a la
verite, reparation n'a este faicte a
plusieurs de nōz marchantz, des in-
iures par eux soustenues, ains en
quelque lieu de iugement, il a semble
a personnage qui n'est de petite au-
thorite, d'auoir allegue cause suffi-
sante, pour reiecter vn arrest donne
en faueur d'ung marchand Anglois,
quāt il dist qu'il ne le passeroit point
pour aultant qu'il portoit ce tiltre
pour vng Anglois. L'inhumanite &
rigueur que trouua le pauure Sei-
gneur Myllort Gray en sa cause, &
les auteurs en icelle sont assez con-
gneuz a d'aucuns personages de
France. On pourroit parler aussi de
la

Responſe a la

la rigueur & tort qu'on faiet a vng
ieune filz du Seigneur Cotton, qui
eſt detenu maintenant en temps de
paix, comme prifonnier, lequel en
temps de guerre ne l'eſtoit pas. Dõt
la cauſe fuſt alleguée eſtre, pource
que la dame qui le tient, auoit vng
filz en Flandres qui fuſt prins a
S. Quentin, ou les Anglois ſeruirent
au Roy Catholique, et pourtāt fault
que ledict ieune filz Anglois ſoit
tenu comme prifonnier, iuſques a ce
que l'aultre en Flandres ſoit rendu.
En quoy ſe veoit vne malice deſor-
donnée, monſtrée alencontre d'An-
gleterre, a cauſe que les Anglois
ioignirent au Roy Catholique a S.
Quentin. Et combien que ce ſoit vne
choſe qui ne touche qu'ung ſubieet
par

Protestation.

particulier, & qui ne vault pas la
peine d'en parler, toutesfois consyde
rāt qu'ung des plus grands persona
ges d'estat, pres le Roy & la Royne
de Frāce, en a faict si peu de compte,
& ya respondu si legieremēt, a elle
contient chose de plus grande impor
tance. Mais pour la meilleure infor
mation de monseur l'Ambassadeur
q passe les choses si doulcemēt. Quel
pire exemple de mauuaise dispositiō
peult on monstrer, que d'user de vio
lēce en l'endroit de l'ambassadeur
de sa maïeste en ceste sorte? son ser
uiteur fust pris sur les rues, & par
force emmené par le cōmandement
de monseur le grand Prieur oncle de
la Royne de France, le quel estāt re
quis de le rendre, respondit, qu'il en
B feroit

Responce a la

feroit a son plaisir. Laquelle respōse
semblant fort estrāge, & entendāt
ledict Ambassadeur q̄ son seruiteur
estoit enuoyē aux galleres, on en par
la au Duc de Guise, qui en parolles
respondit fort gracieusement, priant
l'Ambassadeur de prēdre en patiēce
les parolles de son frere, ledict grād
Prieur, luy assēurāt, q̄ son dict ser
uiteur seroit remādē de Marseilles.
De quoy ledict Ambassadeur se tint
pour lors content, & enuoyā vn hō
me expres a Marseilles auec q̄ let
tres pour le rec ouuremēt de sondict
seruiteur. Mais cōme il alla en vain,
ainsy retourna il sans l'homme, &
sans esperance de l'auoir. Et ainsy à
la fin apres quelques doleāces reite
rées par l'Ambassadeur de ce mal
trai

Protestation.

traictemēt, il cessa de plus y traual-
ler, & endura la perte ou voiremēt
la mort de sondict seruiteur. Ces si-
gnes d'amitie & bon vouloir furent
monstrées dix iours apres le
trespas du Roy. Et depuis n'aguer-
res aussy, ce moys de Mars dernie-
remēt passé, cōment ledict Ambassa-
deur a este traicté en son logis, qu'on
luy a tiré quelques harquebusades,
on le pourra mieulx scauoir des Frā
cois, auec q̄ qui il est loge, q̄ par plain-
cte aulcune quil en ayt faicte, s'en
estant encores passé en silence et pa-
tience. Le support notoire qu'on a
faict a quelques pirates, & la façon
dont on y a vse en France, est dire-
ctemēt cōtraire a l'intention dudit
Ambassadeur, en sa protestation.

B ij

Mais

Responce a la

Mais au cōtraire combien la Royne
d'Angleterre s'est estudiee a oster
toutes occasiōs d'offence, appert biē:
en ce qu'au Moys de Iuing dernier
passe, elle n'espargna, d'enuoyer cer-
tains nauires, pour l'apprehension de
quelques escumeurs de mer, qui pil-
loient & Francoys & Portugalois,
ausquelz on scait bien le confort que
fust donnē auoir esté tel, q̄ plusieurs
d'iceulx y font contentz de demeu-
rer encores. Toutes ces particulari-
tés ne seroit mestier de reciter, si ce
n'estoit pour informer ledict Am-
bassadeur combiē il se fouruoye (en
sadicte protestation) du vray rap-
port, touchant le traictement qu'on
a monstre a la Royne d'Angleterre,
& a ses subiectz. De toutes ces cho-
ses

Protestation

ses & estrāges façons de faire, aussi
bien deuant le deces du feu Roy,
qu'apres : on ne peult comprendre
vne telle intētion, q̄ lediēt Ambassa-
deur veult persuader. Et pourtant
il passe oultre a parler d'aultres cho-
ses, pensant y pouuoir trouuer plus
d'aduantage, & diēt qu'au temps q̄
le Roy son diēt seigneur enuoya quel-
ques forces en Escosse pour reduire
les Escossois a leur deuē obeissance,
La Maïeste de la Royne dressa vne
armée par mer, & vne aultre par
terre, vers Escosse. Ce qu'il diēt que
sa diēte Maïeste fist, pour la ialousie
qu'elle auoit cōceüe a cause des for-
ces du Roy, p̄ lesquelles avecq' daul-
tres qui estoient pour les suiure, on
se doubtoit d'inuasion sur ce Royaul

Reſponce a la

me, eſtāt menacé en ce que la Royne
de France eſtant Royne d'Eſcoſſe,
portoit le tiltre et Armoyries d'An-
gleterre. En quoy il ne ſ'eſloigne
pas du tout de la verité. Mais com-
ment euſt ſadiſte Maieſte peu fai-
re autrement? comment euſt elle
ou ſon Conſeil endure d'entendre
l'inſtance & trauail qu'on faiſoit
a Rome, pour declarer que ſadiſte
Maieſte n'eſtoit point Royne legi-
time, & pour approuuer la Royne
d'Eſcoſſe? Euſſent ilz peu endu-
rer de veoir & entendre que le Roy
de France & la Royne ſa femme
ſe attribuaſſent par pluſieurs moy-
ens en leur Royaulme, le droit
de la Courōne d'Angleterre? qu'ilz
en uſurpaſſent les Armoiries &
ſtile?

Protestation.

stile? & quilz publiassent le droict
coloure qu'ilz pretendent au Roy-
aulme d'Angleterre? estans amy-
ablement requis de s'en deporter
& ne voulurent point, ne mon-
strantz aucune bonne amitie en
sorte quelconque, ains faisant pro-
uision par tous moyens, de force des
Nauires, de Souldatz, de Muni-
tion, & de Viures, enuoyantz en
Allemaigne pour auoir des gens de
guerre, & des nauires pour les tran-
sporter, mesmes sollicitantz les Ca-
pitaines et Coronelz d'inuiter leurs
Souldatz a vng voyage en Escosse,
ou a vng pays pres d'Escosse, ri-
che & plain de butin, ou de long
temps n'y auoit este aucun Souldat
d'Allemaigne. Failloit il que tout

B iij cecy

cecy fust negligé, sans bien et profondemēt le considerer faisoient les subgectz d'Angleterre si peu d'estime de la couronne d'Angleterre? Deuoit celle qui est iuste & vraye Royne, permettre que ceulx qui iniustement s'attribuent le Royaume d'Angleterre, fissent vne armée, & icelle enuoyassent droictemēt en Escosse, par ou ilz auroient plus de commodité a enuahir cediēt Royaulme, & ainsy a poursuiure leur entreprise & intention?

La recente iniuste violation de la paix avecq̄ ce Royaulme, au temps du Roy Edouard, q̄ les choses estoient en trouble et esmeute, ne peult si tost estre mise en oubly, par moyen de la quelle, cōtre tout honneur, pa-

Etion

Protestation.

Et ion & serment, les Francoys firent
inuasion & prindrēt Hambretueil
& Blaqueneß, & puis apres recou
urerēt Bouloigne. La recente perte
de Callais par nonchalance, est en
cores trop fraische. Et a parler ge
nerallement, comment ne se pouuoit
on doubter de ceulx, lesquelz estāt
en armes en Escosse, se disoiēt auoir
interest au Royaume d'Angleterre?
Ces occasions bien considerées, il e
stoit trop neceßaire qu'on fist ses ap
prestes, tant par mer que par terre,
pour se defendre : encores qu'on re
tardast les forces par terre, et qu'on
differast tout l'este & l'hyuer a les
assembler, iusques a ce que p vraye
neceßité on n'y fust contrainct. Il est
bien vray que la flote des nauires.

B v fust

Responce a la

*fust premier enuoyée deuers Escosse
pour porter quelques prouisiōs pour
la ville de Barwick, & consequem-
ment, si le cas le requerroit pour en
garder que plus grandes forces en-
uoyées de France ne prissent terre
en Escosse, sans qu'on aye faict de-
predation ou hostilité en sorte quel-
conque contre aucun François, aul-
trement que pour auoir engardē a
d'aucunes forces de Souldatz, d'y
prendre terre, lesquelz Souldatz,
combien quilz furent arrestez, fu-
rent neantmoins mis en liberté, &
permis de retourner, ou par mer, ou
par terre, leur bagues saulues.*

*D'auantage ledict Ambassadeur
semble adiouster deulx choses (com-
me il les note) d'importance.*

L'une

Protestation.

L'une est, que lesditz Francois n'ont faict aultres preparations de forces que pour appaiser vne rebellion.

L'autre que tousiours quand le Roy son Maistré a enuoyé des forces en Escosse, il en a aduerty la Royne d'Angleterre, affin qu'elle n'entrast en souspçon des nombres plus que l'occasion ne portoit. En quoy il note que ce fust bien & prudemment aduise d'eulx, affin qu'elle ne print occasion de s'armer, ou par mer, ou par terre. A la verite par le succes des choses qui ont suiuy depuis, se peult bien veoir qu'elle estoit lors leur seule intention, a laquelle si la Maïeste de la Royne ne eust preuenue, elle n'eust pas eu si bon moyen

Responce a la

*moyen a resister a leur inuasiō, puis
apres. Mais grace a Dieu que tous
leurs effortz ne sortirent a effect.
Quant a ceste esmeute d'Escoffe,
quilz appellent rebellion, soit ce re-
bellion ou aultre trouble quelcōque,
il n'estoit besoing de forces pour
l'appaiser. Et sil y en auoit d'aucu-
ne que lon estimast insolentz, vne
si grāde force n'estoit point requise
pour les chastier. Et quoy quil y
eust peu aduenir en Escoffe, telles
prouisiōs de grosse Artillerie neuf-
sent peu estre a aultre fin, qu'a faire
inuasion sur ce Royaulme d'Angle-
terre. Pourquoy est ce donc qu'on
deburoit blasmer la Maieste de la
Royne, si a l'occasion de ces porte-
mens des Francoys, elle a faict faire
ses*

Protestation.

ses apprestes par mer & par terre,
pour la defense & seureté de son
Royaulme. Et combien qu'il apper-
tienne aux Escossois par leur hum-
ble requeste a la Royne leur Souue-
raine, de luy monstrier en quoy ilz
se sentent greués & foulés, et de de-
clarer combien ilz sont loing de re-
bellion (qu'on leur met sus) encores
pource que ledict Ambassadeur note
l'ayde de la Royne aux dicts Es-
cossois, Il verra cōment sa Maieste
a tousiours conceu & entēdu cest af-
faire d'Escoſſe, tellement que par la
il pourra iuger, combien sadicte Ma-
ieste est loing de la tasche de main-
tenir vne rebellion, laquelle elle a
tellemēt en horreur et detesté, qu'au-
cas qu'il suruienne aucune rebellion
entre

Responce a la

entre le subiect & son superieur ;
elle sera preste (si ainsy le supe-
rieur sera content) de luy ayder de
tout son cueur & effort.

Ceulx qui accusent les Escossois de
rebellion, ou ilz oublient, ou ne sca-
uent combien ilz meritent de louan-
ge, pour le contraire. Il y a mainte-
nant dixsept ans que le Roy d'Es-
cosse deceda, laissant la Royne qui
est a present, en son berceau, durant
l'enfance de la quelle (a plus grande
admiration que possible on en ayt
leu de cas semblable) Avecq̃ quelle
constance de courage se mirent les
Escossois a la defendre estant lors
au pays entre eulx? Voire comment
celuy qui maintenant est le plus ac-
cuse de rebellion le Duc de Chastel-
lerault

Protestation.

lerault tenu pour prochain Heritier de la Couronne, & faict gouverneur du Royaulme, se mist en grand debvoir pour la seureté de la personne de la ieune Royne, par l'espace de treze ou quatorze ans: est assez cogneu a tous. Combien de personages perdirent la vie pour l'amour d'elle, & combien de ceulx aussy que maintenant on dict estre rebelles, hazarderent leur vies, principalemēt vng iour qu'il y eut en bataille beaucoup de milles tués, est ausy chose notoire a tout le monde. En quoy on les a veu tousiours constamment persister, Iusqu'au temps du mariage de leur dicte Royne avecq le Roy, & insques a ce que le gouvernement du pays fust change,
et

et leur dicte Souueraine en fust hors
 & que leur pais fust gasté & con-
 sumé par gens de guerre, les loix &
 libertés subuerties, les principaulx
 offices du Royaulme reduictz aux
 mains des François, a qui ausy fu-
 rent données a garder les principal-
 les fortereſſes du pays, leur mon-
 noye abbaiſſée pour le gain de quel-
 ques particuliers ministres des Frā-
 çois, n'estantz d'aucune estime ou
 reputation, ains entierement adon-
 nés a l'auarice & a piller, & a to-
 talement ruyner ledict pays. Les
 Souldatz François estantz long
 temps sans leur gages, prenantz ce
 pendāt par force tout ce qu'ilz voulu-
 rent audict pais, furent a la fin payéz
 de la basse monnoye de France, la-
 quelle

Protestation.

quelle auoit esté deux ans au par-
auant publicquemēt descritee en Frā
ce. De ceste monnoye le Royaulme
d'Escoſſe fust fort foulé, pour estre
valuée a trop hault pris. Les riches
Abbayes & les biens de l'eglise, fu-
rent donnéz aux Seigneurs & Gen-
tilzhommes François, oultre beau-
coup d'aultres infinies & lamētables
oppressions commises contre les pro-
messes, pactions, & accordz faictz
de la part de France. Toutes les-
quelles choses ces Escoſſois qui sont
maintenant appellés rebelles, a leur
grand & inestimable douleur et re-
gret, ont tousiours tellemēt compor-
tés, q̄ iusques a ceste heure, ilz n'ont
iamais denié l'obeissance deuë a leur
Souueraine, ains par tous moyens et

C

plu-

Responce a la

plusieurs fois s'en sont humblement
plainctz a la Royne regēte d'Escos-
se, luyrequerāt reformatiō d'icelles.
Mais en lieu d'amyable responce, on
leur a vsé de force, laquelle creust si
fort, qu'eulx consyderantz que leur
Royne estoit mariée en France, &
qu'elle n'auoit encores lignage, estāt
absente du pays et subiecte a la mort
cōme toutes autres creatures, & le
Royaulme d'Escosse reduict quasi
entieremēt au gouuernemēt des Frā
çois, du mauuais gouuernemēt des-
quelz ilz se tenoiēt assurez ne sca-
chāt q deuiendroit dudit Royaul-
me, si Dieu appelloit leur dicte Roy-
ne: Furēt de neceſſité cōtrainctz de
s'assembler, estantz les principaulx
la noblesse & estatz du Royaulme,

¶

Protestation.

et de porueoir pour leur defence contre les gens de guerre François. Et par plusieurs supplications humblemēt faictes, requirēt la Royne Douairiere qu'elle, vouldist auoir pitie du miserable estat du Royaume, de sa fille et acceptant leur obeissance, qu'elle fist retirer les gēs de guerre, et quelle vouldist accorder audict Royaume vne asseurāce sans craincte et dāge. d'inuasion et conqueste, et par ainsy le permettre de contynuer en l'estat qu'il a tousiours esté, et en l'ancienne liberte. Nonobstāt toutes ces choses il fault maintenāt a la requeste des François, qu'on soit cōtent de permettre qu'il voyse tous les iours des forces en Escosse, et fault que la Royne d'Angleterre se contente de belles

C ij parolles

Responce a la

parolles, & qu'elle se laisse donner a
entendre, q̄ toutes ces forces sont seu-
lemēt pour pacifier vne rebellion en
Escoſſe, sans se deſſier des François
en sorte quelconque, combien qu'ilz
ayent cherché tous les moyēs a faire
approuuer leur intention a Rome,
et qu'ilz se soyent attribuez le tiltre
du Royaulme d'Angleterre, & l'ay-
ent manifestemēt querelle, & quilz
ayent publié en leurs escriptz quil
appartient a eulx, & combien que
tout le monde dit qu'ilz ont deliberé
d'y faire inuasion, & le mettre en
dangier, si l'on n'y pourueoit, voire
combien que tous les bien vueillātz
d'Angleterre de toutes partz de
Chrestienté, ayent souuenteffoys ad-
moneſtē la Royne & ses subiectz de
ceste

Protestation

ceste deliberation de France, Et entre aultres, aulcū de Frāce mesme, qui sont de bonne experience & entendement, & qui n'approuuent pas ceste entreprinse si iniuste de leur Roy & Royne, ains desyrent plus tost paix et vnion, n'ont laisse d'aduiser (comme ilz ont peu) les estatx de ce Royaulme, a pourueoir pour y resister: voire combien que les preparations fussent si grādes, qu'on ne les pouuoit iuger estre pour Escosse. Toutesfoys pour vne simple declaration que fist Monsieur de Noailles leur Ambassadeur pres la Royne, quelques fois apres que leurs forces furēt passees & transportees, qu'elles n'estoiēt pour mal qu'on vouldist à Angleterre, encores qu'on sceust

Respon ce a la

tresbien quil faisoit les nombres
moindres qu'a la verité ilz n'estoiēt.
Il faut que la Maïeste de la Royne
soit comme chargée, quelle n'auoit
point d'occasion de se doubter de la
sincerité de l'intention du Roy. Telle
raison n'est de grande force, & ne
requiert longue responce. Le Roy
Treschrestien et la Royne sa femme
par tous les moyens dont ilz se peu-
uent aduiser, donneront ouuertement
a entendre au monde, qu'ilz preten-
dent droict au Royaulme d'Angle-
terre, & les seules parolles de leur
Ambassadeur seront de telle force,
quelles persuaderont le contraire. Si
les actes des François donnoient oc-
casion de suspicio, ces belles parolles
dudict Ambassadeur ont augmenté
l'occa

Protestation

l'occasion de la suspicion. On luy en
a plusieurs fois parlé et faict plaincte
du tort q̄ le Roy et la Royne de Frā
ce faisoient, mais on n'en a iamais sceu
auoir bonne responce, se multipliant
tousiours les iniures, & le danger
quāt et quāt croissant de plus en plus.
Et en ce q̄ ledict Ambassadeur alle-
gue la bonne disposition du Roy son
Maistre, qui pour oster tout suspçō,
a bien voulu retarder ses forces. La
verite de cela se pourra mieulx
veoir en consyderant la maniere &
cause du retardement de ses dictes
forces, et de l'armée de mer du Mar-
quis d'Albeuf, qui auoit desia faict
plus de la moytie de son voyage par
mer, quand p force de vent & tem-
pestes, il fust cōtrainct s'en retourner

Responce a la

avecques perte de quelques Nauires
& Souldatz, estant ausy bon nom-
bre d'artillerie, faiçt retourner au
mesme temps, sans quilz fusset aul-
trement rappelles ou retardez par
le Roy, mais du tout contre sa volon-
té. Quant au retardement qui a esté
faiçt depuis, eulx mesmes scauent
trop bien si cela n'a esté faiçt plus a
l'occasion des Nauires de la Royne,
qui se tenoient au Frites, que de la
bonne disposition du Roy. Quant a
ce que ledict Ambassadeur declare
d'aduantage, que le Roy son maistre,
consyderāt la ialousie que la Maie-
sté de la Royne auoit conceüe de ses
forces qui estoient en Escosse, a re-
quis de sadicte Maieste, qu'elle voul-
sist moyenner la pacification de l'af-
faire

Protestation.

faire d'Escoſſe, affin apres de luy
oster le ſouſpçon desdictes forces en
retirant la plus part d'icelles: La
verité est, que ceste requeste a tou-
ſiours esté faicte au Roy Treschri-
stien de la part de la Royne d'Angle-
terre, tant aux Ambassadeurs du-
dict Seigneur Roy par de ça, q̄ par
le Ambassadeur de sa Maieſte qui
est en France: a laquelle requeste
on n'a encores peu tirer responce qui
fust bonne, ains s'est consumé le tēps
aux grandz despens de sadicte Ma-
ieſte sans rien prouffiter, attendant
de iour en aultre auoir quelque re-
sponce. Pour declaration de quoy,
ledict Ambassadeur scait bien com-
ment on s'en plaignit au Seigneur de
Noailles enuiron le commencement

C v de

de Feburier dernier passe, & comme on le pria d'aduerter le Roy son Maistre, q̄ la Roynie ne pouuoit endurer le tort qu'on luy faisoit en usurpant son tiltre & Armoiries. Et qu'elle ne pouuoit que grandement soupçonner ses forces en Escosse. Pourtant fust offert de la part de sa Maiesté, que si le Roy vouloit, elle s'efforceroit d'accorder l'affaire de Escosse, & q̄ s'il y auoit homme qui refusast l'obeissance a luy deuë, elle ayderoit a les subiuguer, & que les dictes forces fussent par ainsy totalement ostées. Pour aultre different (s'il y en auoit entre leurs deux Maiestés) on en pourroit traicter par personages deputés a ce faire des deux costés. Cest offre estant faict

Protestation.

audiēt Ambassadeur, il sembla de le
refuser, en tāt q̄ la Royne offroit de
moyenner l'appointemēt entre eulx.
Car il disoit q̄ le Duc de Chastelle-
rault et aultres, auoient cherche d'a-
uoir pardon, & pensoit que la chose
d'eust ainſy prendre fin. Et neant-
moins il dist qu'il en aduertiroit le
Roy son Maistre, comme il semble
qu'il aye faict. Car sur cela le Sei-
gneur de Senre Ambassadeur pour
le present pres la Royne: fust en-
uoyē par de ça avecq̄ credit, qui
s'estendoit (cōme il declara) a ouyr
toutes les doleances de la Royne, &
pour satiffaire a sa Maieſte d'icelles,
or quāt a ce qu'il en a faict, il le ſcait
tresbiē luy mesmes. Mais pour tāt q̄
omet le vray ordre qui y a eſtē tenu,

&

Responce a la

Et suit vn aultre chemin, ce ne sera pas hors du propos de declarer les choses comme elles sont passées.

A la premiere communication qu'il eust icy avecq' la Maïeste de la Royne & messieurs de son conseil, apres quil eust entendu les dolean- ces & complainctes, il sembla bien dispose a y procurer le remede, di- sant quil escriroit au Roy son iict Maistre, & se monstra bien marry de n'auoir este icy plustost, comme s'il eust voulu faire plus de bien que n'auoit esté fait. Quelques iours apres, il receut aultres lettres de France, & sur cela entra derechef en aultres propos de traicter, avecq' lesdicts messieurs du Conseil: Et lors furent toutes les choses reduictes en trois poinctz: L'ung estoit de l'in-

Ion dict Maistre

Protestation.

iure faicte en portant les Armoiries:
l'autre, par l'usurpation du tiltre.
Le dernier contenoit la reuocation
des forces hors d'escosse. En traictāt
ces choses fust pdu beaucoup de tēps.
Ce que despleut grandemēt ausdictz
Seigneurs du Conseil, & donna oc-
casion de plus sousspçonner la facon
de faire dudit Ambassadeur. Neāt-
moins a la fin ledict Ambassadeur
par son beau langage mōstra auoir
bonne disposition de venir a accord.
Quant aux Armoiries disoit il, en-
core que la Royne de France pour-
roit auoir quelque raison de les por-
ter avecque quelque differēce, pour
mōstrer sa consanguinité a la Royne
d'Angleterre. Ce neantmoins le Roy
sadicte Maïeste en cela seroit contēt
d'entendre a raison, si de cela la

son dict Maïeste

Royne d'Angleterre prenoit aulcun
desplaisir ou mescontentement. Et
quant au tiltre, il vouloit soustenir
que le Roy son Maistre n'en auoit
iamais vse. Mais en ce que la Royne
sa femme en auoit vse, q̄ le Roy luy
cōmanderoit qu'elle s'en deportast
du tout a quoy si elle ne vouloit point
estre persuadée (pource qu'il ne la
pourroit contraindre de s'en depor-
ter) il la renuoyeroit en son Roy-
aulme d'Escosse, plutost q̄ pour cela
en aduint aulcune inimitie ou dissen-
tion entre les Royaulmes de France
& d'Angleterre. Ceste estrāge ma-
nier de languagee, smeut lesdictz Sei-
gneurs du Conseil a luy adioustier
plus de foy en cest endroict. Quant
aux forces q̄ le Roy sondict Maistre
auoit

Protestation.

auoit script quelles seroient toutes reuoquées, fors cinq enseignes, il esperoit de luy persuader d'y en laysser que quatre. Sur ces propos & sur quelques moyes proposés par ledict Ambassadeur, & aultres proposés par lesdicts Seigneurs du Conseil, fust accordé des deulx costez, que la chose seroit mise par escript & redigée en Articles. Ce q fut faict de la part de la Maïeste de la Royne, mais non pas par maniere de prescrire au dict Seigneur Roy comme est mentionné en ladicte protestation. Et nonobstant que l'Ambassadeur ne tint pas sa promesse, mettant par escript de sa part (comme il auoit accordé) pour quelque empeschement qu'il allegua : Toutefois les Articles
de

Responce a la

de la part de la Royne, luy furent
monstrés & il les leut, dont en som-
me le contenu estoit tel: Premiere-
ment, qu'on cessast de porter les Ar-
moiries. En apres, que le tiltre fust
aussy laisse. Et pour conclusion, que
ayantz les Escossois recongneu leur
obeissance a la Royne leur Souuerai-
ne, les forces de France fussent reti-
rées en diligēce, entre le vingtiesme
iour de Mars & le second d'Apuril,
en telle sorte & en tel nombre, que
les forces d'Angleterre fussent pa-
reillemēt au mesme instāt reuouquées
Et pour la reuocation des François,
leur seroit baillé saufconduict, pour
passer: ou par mer en vaisseaulx
d'Anglois, ou par terre a leur vo-
lonté. En quoy fust requis qu'on v-
sast

Protestation.

fast de diligence, pource que depuis le mois de Ianuier, l'armée de terre auoit esté assemblée, et la Royne desiroit fort, q̄ deuant que la saison de l'annee se passast, les choses fussent accordées, tant pour casser sadiçie armee, q̄ pour euitier le danger d'aul tres preparatiōs de forces Françoyses. On commença a traicter de ces choses, des le second iour du mois de Mars, mais par plusieurs delays de la part dudiçt Ambassadeur, les lettres n'en furēt pas enuoyées, iusques au dixiesme dudiçt mois. Or tout l'affaire consistoit entieremēt sur la responce qui se debuoit faire. Et en cest endroict se peult claiремēt veoir, quelle partie des deulx a esté mieulx inclinée a venir a bon accord. Mais

D quant

Responce a la

quāt les articles furēt presentez en
Frāce, en desauoua ce q̄ leur Ambas
sadeur icy auoit faict, disant qu'il a
uoit passé les limites de sa cōmission:
Et q̄ pourtāt respōce seroit donnee p̄
l'Euesque de Valēce, qui arriua icy
enuirō le douziēsieme dudiēt mois de
Mars. Or lediēt Euesque qui passa p̄
icy pour aller en Escosse, pour quelq̄
seruice p̄ de la, dont il auoit charge:
quant ce vint a poinct, dist qu'il n'a
uoit point de cōmission de respondre
aux dictz articles, ny fist declaratiō
quelcōque, qui tendist aulcunemēt a
la satisfactiō des doleāces de sa dictē
Maïeste. Mais au cōtraire, pretēdoit
q̄ la Maïeste de la Royne deburoit
pluſtost approuuer ce que la Royne
d'Escosse auoit faict, en portant les
Armoiries d'Angleterre, cōme vne

Protestation.

chose faicte pour honorer la maison
d'Angleterre. Et qu'il pēsoit qu'il n'y
auoit hōme en Frāce qui iugeast q̄ la
Royne d'Angleterre sen deust trou-
uer offencé. Commēt pourroit on par
ceste estrāge language penser qu'il y
eust aulcune bōne et saine intention
de la part dudict Euesque? q̄ ne pou-
uoit ignorer cōbien cest chose mal cō-
uenable a dire, q̄ celle q̄ a faict pour-
suite a se faire declarer Royne d'An-
gleterre, & s'est ainsy nommée elle
mesme par escript, n'entendist point,
en vsurpant lesdictz Armoiries, de
p̄iudicier a la iuste & vraye Royne
d'Angleterre. Aux triūphes du mois
de Nouēbre a l'entrée de la Royne
a Chastellerault, on ne peust de ce
rien apperceuoir, ou les Armoiries

D y

de

Responce a la
de France, d'Angleterre, & d'Es-
cosse, furent esleuez, & quant &
quant l'inscription du tiltre de la
Royne d'Angleterre, et ces vers en-
suivantz escriptz en lettres dorées,
mises au dessoubz des pourtraictz
du Roy & de la Royne aux deulx
portes de la ville.

*Gallia perpetuis pugnaxq; Britannia bellis.
Olim odio inter se dimicuerunt pari.
Nunc gallos totoq; remotos orbe Britannos.
Vnum dos Mariae cogit in Imperium.*

OR bien, on attendoit tousiours
la responce, Depuis le trezies-
me de Mars, iusques au vingtiesme,
il n'y en vint point, Ce que la Maie-
ste de la Royne endura, attendant
tousiours quelque responce. A la fin,
ledict Euesque dist, que la coustume
de la Court de France estoit, quant
ilz

ilz ont enuoyé vn Ambassadeur a
quelque Prince, de ne respondre ia-
mais a aulcunes choses proposees par
iceluy Prince, premier qu'ilz n'en
ayent receu intelligence, de leur dict
Ambassadeur. Laquelle excuse fust
aussy receüe. Ainsy apres quil eust
escript: (ce qu'il dist qu'il auoit
faict) et quil pouuoit auoir eu respõ-
ce de ses lettres, on esperoit certaine-
ment auoir la responce a la fin. Mais
pour confuter ceste bõne disposition
de venir a quelque bonne fin, dont
ledict Ambassadeur faict si souuent
mentiõ en sadicte protestation, De-
puis le treziesme iusques au dernier
iour de Mars, ne sceust on obtenir
responce aux dictz articles, non pas
depuis le dernier de Mars, iusqu'a

ce present n'a on fceu auoir responce
directe, ny en Frāce par nostre Am
bassadeur de la, ny par le moyen de
l'Ambassadeur par de ça. Et genera
lemēt ceste practique a este obseruée
par les ministres du Roy de France,
q̄ depuis quelque temps en ça, ilz ont
en parolles, offert de venir a accord,
mais tousiours en actes, publiquemēt
ont contynué & augmenté leur pre
mieres iniures. Et mesme quelque
dix ou douze iours apres q̄ lesdictz
articles furent baillēz en France, p
nouueaulx triumphes faicēz auec q̄
les Armoiries d'Angleterre: ne ve
nāt z iamaiz en effect a acheuer quel
que appointement, ou a nommer des
personages pour traicter, ny temps,
ny lieu, pour ce faire, & ne respon
dant

dant iamais directement aux principaulx poinctz des iniures, encores quilz y ayent este beaucoup de foys sollicités & requis. Par ainsy l'on veoit clerement que ces manieres de proceder des François en ces choses, ont este seulemēt pour gagner tēps, et pour faire augmenter les despens de la Maïeste de la Roïne, pour ce pendant, mettre en ordre & hastier leur armée, et pour obtenir ce quilz ont cherche du Roy Catholique, leq̃l cōment q̃ ce soit qu'ilz ayēt trauaille par leurs importunes & frequētes sollicitatiōs a luy psuader, Si est ce q̃ l'ancienne et mutuelle amitié q̃ a este entre les ancestres de leur deux Maïestes, sa sincerité, integrité, & singuliere prudēce en tous ses affaires,

D iiii nous

nous asseurent, que quant il aura entendu comment les François se sont portez contre ce Royaulme, il en iugera comme ces Ancestres ont eu cause d'en iuger. Et en cest endroict, sa Maieste ne faiet doubte, que Monsieur de Glaion & Monsieur l'Euesque d'Aquila estantz personnages tant sages, & qui ont bien au loing entendu tout l'affaire, n'en facent tel rapport, que le Roy Catholique son bon frere entendra bien, que tout ce q̄ la Maieste de la Royne a faiet, a este pour la necessaire & iuste defense & seurete de sa Couronne & Royaulme. Maintenant sensuit a veüe d'oeil de toute personne vsant de Raison, que sadiete Maieste a regu le tort, & a cerche tous les bōs moyens

moyens pour y trouuer remede. Et
 que les François qui ont, & faict
 & contynué les iniures, ayantz ia
 long temps passé, en beaucoup de sor-
 tes, contrevenu aux traicte, se reti-
 rent en effect de l'accord, dont en
 parolles ilz font tant de mention.
 Pourtant sa Maieſte ayant occasion
 par l'escript dudit Ambassadeur,
 auquel il parle de tant de choses, de
 faire enlargir ceste declaration, a-
 uecq̃ recit de plus ample matiere
 qu'elle ne voudroit: pour sommai-
 rement conclure: dit, que combien
 qu'elle puisse a bon droit charger
 le Roy Treschrestien, de manifeste
 violation de la paix: si est ce, qu'elle
 desire plus d'appointer toutes que-
 relles, que de donner occasion d'aul-

cune. Et pourtant faict offre (laquelle elle delibere d'accomplir) que si on trouuera bon q les forces soient reuouquées de tous costez pour mieulx finir les differētz, sa Maieste sera cōtente d'y accorder: ou aultrement si ainsy semblera bon au Roy de France, de nommer des gens pour faire l'appointemēt, elle en nōmera aussy de sa part, & s'efforcera d'user de toute diligence, pour les faire assembler, offrāt de vouloir en ce traicter avecq ledict Ambassadeur, & fera aussy quād lesdictz personages deputēs seront assembles, qu'on cessera des Armes, si par traictē on peult veoir quelque esperāce d'accord: Au quel traictē sa Maieste n'entend pas qu'il soit faicte question de l'usurpation

Protestation.

tion de feu Armoyries & tiltre: ne
voulāt point q̄ son droict et tiltre au
Royaulme d'Angleterre vienne en
dispute, mais sera cōtente quant a la
maniere, de laisser lesdictz Armoi-
ries et tiltre p̄ les Roy & Royne de
Frāce, et quāt a l'amēde des iniures
faictes, de se laisser reigler p̄ la pru-
dēce de son treschier frere le Roy Ca-
tholique, si le Roy de Frāce en fera
content, ou bien par le iugement des
gens a ce deputēs. Finablement sa-
dictē Maieſte proteste qu'elle n'a ia-
mais eu intention de prester ayde a
aucuns de ceulx qui ont voulu se
retirer de l'obeissance deuē a la Roy-
ne de France, ains du fond du cueur
desire que soit estably vnz si bon ac-
cord entre elle et ceulx de son Roy-
aulme d'Escoſſe, qu'elle puisse iouir

de l'obeissance qui luy est iustement
 deuë, & que les subiectz puissent
 auoir le droict qui leur est deu, &
 consequemmēt qu'une vnion et bon-
 ne paix puisse estre obseruée entre
 leurs Maiestez & leur pays. Et sur
 ces choses, sa Maieste a si plaine &
 ferme resolution, que sur l'honneur
 & en parolle de Prince, & deuant
 la face du Seigneur tout puissant el-
 le affirme et proteste, qu'elle n'a ia-
 mais voulu n'y encores entend (de
 sa propre volonté) aucune guerre
 avec le Royaulme de France, ou
 avecq̃ aultre pays que ce soit de la
 Chrestiete: ny d'enfraindre le moin-
 dre poinct du traicte, ne voulāt rien
 omettre (en ce qu'elle peult avecq̃
 son hōneur, droict & seureté, de ses
 Roys

Protestation.

Royaulmes) dont puisse estre establie et contynuée vne ferme & bōne paix, tāt avec le Roy treschrestien, qu'avecq̄ tous aultres Princes. Que si ceste bonne intention qu'elle a, ne peult sortir a bon effect, et qu'a raison de ces grādes iniures faictes a ce Royaulme de la part de France, & q̄ par leur manifeste violatiō du traicté, refusantz d'en faire les reparations, la guerre soit esmeüe & s'ensuyue (ce que sa Maieste prie à Dieu vouloir par sa saincte main engarder) elle faict protestation & testifiée a tout le monde, que l'occasion en vient des François seullement, & que celuy sera la chose la plus desplaisante qui luy scauroit en ce monde aduenir.

& Proposition

*made by the Ambassadors
of France.*

A Londres.

Par Rychard

Jugge, & Iehan Cavvot, impri-
meurs pour la Maiestè de
la Royne.

Lan.M.D.LX.

Alfred

Port Richmond

James Gordon
James Gordon

James

James

